

四庫全書

子部

欽定四庫全書

六藝之一錄卷八十四

錢唐倪濤撰

石刻文字六十

唐刻記

谿堂記

韓愈撰牛僧孺正書長慶二年

金石錄

絳守居園池記

樊宗師撰正書無姓名長慶三年五月

金石錄

長慶三年絳守居園池記唐樊宗師撰或云此石宗師自書嗚呼元和之際文章之盛極矣其怪奇至於

如此

集古錄

右唐絳守居園池記樊宗師撰昔之為文者雖務為新語然未嘗有意于求奇也宗師之文乃故為險怪

必使人不可曉而後已此豈作者之體哉

金石錄

文章之奇至矣作者既衆人爭務以工自見時出所長暴耀震發則其勢必至恢詭譎怪而後已金玉犀

象人之所寶梗楠豫章人之所材至于大宇之下常  
珍滿目故非奇玩怪產不足以發異觀於是海中腐  
石以出珊瑚溝中斷木以供犧尊唐之文敝極矣而  
後有韓退之振起衰陋故皇甫湜李翱張籍輩相附  
而出蓋亦求海中之石溝中之木者也嗚呼能不隨  
人後以自樹立宜昌黎之文獨臻其至耶

廣川  
書跋

### 濟祠西海新亭記

房琯立亭於北海上李朝陽為之記而西海之地故

為民家所有縣令王源迴取之以立亭又作西海新亭記鳳翔節度推官侯雲章撰濟源令章行質書鄭

冠篆額碑以長慶二年立

集古錄目

移州城記

韓杼材撰韓皋正書并篆額長慶二年歲次壬寅立

復齋碑錄

刺史廳壁記

劉禹錫撰正書無姓名長慶二年在夔州

復齋碑錄

冷泉亭記

長慶二年白居易文

輿地  
碑目

瞿相亭記

長慶二年刺史溫造刻在辰州

輿地  
碑目

江西使院小史記

崔祐甫撰陸尉之正書長慶三年五月在洪州

金石  
錄

西湖石函記

長慶四年白居易文

輿地  
碑目

修悟溪記

韋詞撰羅洧正書寶曆元年五月

金石錄

白郎巖記

王缺撰何歸儒分書篆額寶曆元年閏七月八日建

復齋碑錄

新開隱山六洞記

都防禦判官侍御史內供奉吳武陵撰防禦衙推韓方明八分書并篆額李渤游于州之西山其溪谷潭

洞皆人所未嘗至者遂名之曰隱山構亭榭于其上

以寶歷元年八月立此記

集古錄目

隱山六洞記

韋宗卿撰李方古書寶歷元年

諸道石刻錄

辨石鐘山記

李渤撰正書無姓名太和元年八月

金石錄

李渤字濬之撰不著書人名氏彭蠡湖之口有石鍾

山鄴道元注水經以為水石相薄為鐘音因以得名



渤遊山中見有卧石叩之其鳴如鐘土人曰此石鐘也故為此記以辨之渤時隱居白鹿洞稱白鹿先生後官至桂管觀察使太和元年故吏吳文幹刻石在

湖口鎮

集古  
錄目

太和元年辨石鐘山記并善權寺詩遊靈巖記附覽三子之文皆有幽人之思蹟其風尚想見其人至於書畫亦皆可喜蓋自唐以前賢傑之士莫不工於字書其殘編斷稿為世所寶傳於今者何可勝數彼其

事業超然高爽不當留精於此小藝豈其習俗承流  
家為常事抑學者猶有師法而後世媮薄漸趨苟簡  
久而遂至於廢絕歟今士大夫務以遠自高忽書為  
不足學往往僅能執筆而間有以書自名世亦不甚  
知為貴也至於荒林敗塚間時得埋沒之餘皆前世  
碌碌無名子然其筆畫有法往往今人不及茲甚可  
歎也石鐘山記字畫在二者間頗為劣而亦不為俗  
態皆忘憂之佳玩也

集古錄

翰林院新樓記

韋表微撰鄭瀚正書唐玄度篆額太和元年十二月

諸道石刻錄

羅泰石城記

在當塗縣太和二年立

輿地碑目

司馬子微溪記

王屋令崔運撰道士張弘明書太和三年刻在王屋

縣錄目

節堂記

劉三復撰李德裕八分書太和四年四月

金石錄

天平軍節度使廳記

劉禹錫撰沙門有隣八分書太和五年四月

金石錄

小洞庭五太守燕藉記

蘇源明撰後序令狐楚撰太和五年七月

金石錄

幽州丹甌記

太和五年李郃撰

輿地碑目

東林寺德化重置白氏文集記

僧匡白撰余文真正書倪匡明篆額太和六年八月

諸道石

刻錄

東林寺白氏文集記

白居易撰僧雲皋正書太和九年八月

金石錄

四望亭記

李紳撰正書無姓名太和七年二月

金石錄

畫龍記

在長洲縣廳事李紳記太和七年

輿地  
碑目

創起歇五亭記

南卓撰王肱正書并題額開成元年五月二十二日

復齋  
碑錄

黃公記

李漢撰八分書無姓名開成二年十一月

金石  
錄

白蘋洲五亭記

白居易撰馬縝正書開成四年十月

金石  
錄

山南西道驛路記

劉禹錫撰柳公權正書開成四年立

金石錄

山南西道驛路記開成四年公權書往往以模刻失

其真雖然其體骨終在也

集古錄

平泉草木記

李德裕八分書開成五年

金石錄

平泉草木記李德裕撰余嘗讀鬼谷子書見其馳說

諸侯之國必觀其為人材性賢愚剛柔緩急而因其

好惡喜懼憂樂而捭闔之陽開陰塞變化無窮顧天下諸侯無不在其術中者惟不見其所好者不可得而說也以此知君子宜慎其所好蓋泊然無欲而禍福不能動其利害不能誘此鬼谷之術所不能為者聖賢之高致也其次簡其所欲不溺於所好斯可矣若德裕者處富貴招權利而好奇貪得之心不已至或疲弊精神於草木斯其所以敗也其遺戒有云壞一草一木者非吾子孫此又近乎愚矣

集古錄



平泉山居記

李德裕八分書開成五年

金石錄

菖蒲澗記

開成四年或云蘇味道遺跡也

輿地碑目

苻溪新亭記

李漬撰楊紹復正書會昌二年正月

金石錄

五大夫市新橋記

周援書會昌三年月屬無射二十有九日建在會稽

虞江之東

復齋  
碑錄

有待巖記

李綜書會昌四年在池州

金石  
畧

夔州都督府記

會昌五年

余嘗謂唐世人人工書故其名湮沒者

不可勝數每與君謨歎息于斯也如貝靈該繆師愈

今人尚不知其姓名況其書乎余以集錄之博僅各

得其一爾

集古  
錄

夔州刺史李貽孫撰繆師愈書其記州之城壘祠宇

古跡甚備碑以會昌五年十一月立

集古錄目

巴南新置屋宇什物記

會昌四年巴州刺史裴禕撰

輿地碑目

彭山縣記

會昌五年樓旦撰文

輿地碑目

商於新驛記

韋琮撰柳公權正書宣宗大中元年

金石錄

翰林學士承旨韋琮撰太子賓客柳公權書祕書省校書郎李商隱篆額商州刺史呂公碑不著名建州

之新驛以大中元年正月立

集古  
錄目

### 穎亭記

陳寬撰正書無姓名大中四年

金石  
錄

### 衡州門記

衡州記唐大中四年李侗為刺史因治郡署立通門刻石記其封域所本不見書撰人名蓋侗所為也其

言衡陽當五嶺門考于書蓋古文嶺字為領五領皆  
在今廣南以衡岳為五嶺門昔鄧德明作南康記其  
五嶺甚辨然皆謂在南康則非也裴潛記以大庾始  
安臨賀桂陽揭陽為五嶺今考於古可信然二子之  
論雖異獨無以衡陽為五嶺者或伺自有据而衡山  
又有五嶺未可知也

廣川  
書跋

陰平縣記

鄭茵撰無書人名氏篆額大中五年五月十八日記

復齋  
碑錄

四證堂記

李商隱撰正書無姓名大中七年十一月金石錄

獠澤水石記

在隆州石門崖壁大中七年吳行魯記  
輿地碑目

東峰亭記

馮宿文在蘭溪團寺大中七年  
輿地碑目

元魯山琴臺記

宋整撰正書無姓名大中八年正月

金石錄

汝州魯山縣令宋整撰不著書人名氏琴臺者故縣令元德秀所立整葺其頽毀以大中八年正月立此

記在魯山

集古錄目

勗復真記

自撰正書無姓名大中八年三月

金石錄

陽翟縣水亭記

魏庾撰蕭起行書大中九年五月

金石錄

閩遷新社記

攝館驛巡官前進士濮陽宁撰書為八分不著名氏

福州刺史楊君

碑不著名

改立新社稷風雨壇遂記其壇

壇室宇之制碑以大中十年十一月立

集古錄目

閩遷新社記唐濮陽宁撰其辭云大中十年夏六月

闕西公命遷社於州城凡築四壇壇社稷其廣倍丈

有五尺其高倍尺有五寸主以石壇風師廣丈有五

尺高尺有五寸壇雨師廣丈而高尺云文字古雅甚



可愛嗚呼唐之禮樂盛矣其遺文有足采焉州縣社稷有主見於此記蓋大中時其禮猶在也按唐書楊發自蘇州刺史為福建觀察使至大中十二年遷嶺南節度以歲月推之闕西公者楊發也

集古錄

### 五夫人堂記

邠寧節度使畢誠撰不著書人名氏據記郭令公五夫人堂以大厯五年初立然不知所謂五夫人者為何神也大中九年刻

集古錄目

桃林場記

大中十三年盛均撰在泉州

輿地  
碑目

寓居石表記

陝府芮城縣尉馮禮與書隋大業中高祖寓居芮城  
縣之至德鄉大中十三年縣令高玄譽立在鄧州南

陽縣界中

寶刻  
叢編

南陽縣廳西墉記

徐方回撰并分書大中十一年立

訪碑  
錄

西墉記唐徐方回撰方回云寶應中為南陽令得崔子玉所作平子銘末二十一字陷於廳之西墉按今西鄂石本末句見在方回所得乃南陽半石之末也

今又亡矣惜哉

集古錄

歐陽公云方回寶應中為南陽令得平子銘末二十一字闕于廳之西墉頃余至南陽親摸此記記後別有小篆曰朝議郎前行楚州寶應縣徐方回大中十年冬領此縣十一年立此記寶應昔肅宗以楚州獻

寶玉因以元年為寶應元年更楚之安宜為寶應縣  
自寶應紀元至大中十年相去寶九十五年方回以  
大中十年始領南陽縣事所謂寶應中為南陽令歐

陽公覽碑誤矣

集古  
後錄

司空扶風公寫真記

李澄撰蓋巨源書咸通元年十一月

金石  
錄

義亭記

劉虛白撰裴光遠正書篆額咸通缺年六月立

復齋  
碑錄

孟亭記

咸通四年皮日休撰江陵寄居李耆壽嘉定庚午於  
郢州白雪樓之倉側得斷石一塊上有六十五字乃  
唐率更體文理斷續不可讀其間有孟先生三字終  
於波動岳陽城五字則知其為孟亭記今石尚存

興地

碑目

樞密院修紫蘭亭記

路巖撰歐陽迪行書咸通三年

京兆金石錄

潛溪記

杜宣猷撰正書無姓名咸通八年十月

金石錄

右唐潛溪記杜宣猷撰潛溪者在洛陽龍門山側地  
有溪谷之勝舊為宰相李藩別墅宣猷購得之加葺  
治焉唐史宦者傳載宣猷為福建觀察使中官多閩  
人宣猷每歲時遣吏上冢當時號為敕使墓戶因此  
除宣城夫疏泉石種樹菰草窮登覽遊觀之勝此山  
林獨往之士遺世棄俗者之所樂也如宣猷者區區

以諂諛附會盜竊顯榮而欲擅山林獨往之樂是可

笑也

金石錄

自鳴山記

在安仁咸通十年歐陽澄文

輿地  
碑目

聞喜亭記

趙璘撰咸通十一年四月五日作亭

復齋  
碑錄

疊嶂樓記

刺史獨孤霖書咸通十二年十二月辛亥

復齋  
碑錄

延慶洞行記

咸通中蔣係盧滔等遊山新題碑今在延慶寺

輿地  
碑目

韶州重修東廳壁記

乾符元年刺史謝肇撰

輿地  
碑目

百神堂記

節度吳行魯記正書大字無姓名乾符三年歲寄丙

申四月二十日記在渠州

復齋  
碑錄

鼓角樓記



在威州高測文乾符五年

輿地  
碑目

大姥山記

乾符六年唐林嵩記

輿地  
碑目

高駢築城記

中和四年翰林王徽記在成都府

輿地  
碑目

廣平公舊國記

薛正己撰劉詢書并篆額光啟二年六月二十一日

立在東林

諸道石  
刻錄

千福院水泉記

光啟中太守張濬立

輿地  
碑目

淮南王趙公祠堂記

無建碑之歲月又不載其名字莫詳為誰余疑趙德  
諲即其人也按唐書德諲傳初從秦宗權為右將以  
討黃巢功授申州刺史而碑云大寇作二京陷公始  
為義陽郡太守義陽郡即申州也又按光啟元年秦  
宗權陷襄州以德諲為山南東道節度留後文德元

年德誼以襄州降以德誼為忠義軍節度使宗權平  
加中書令封淮安郡王遷拜次序與此碑所書俱合  
碑又云今令公功業不虧於舊日官榮更顯於昔時  
今令公者其子中書令正凝正凝以天祐元年封楚  
王此碑蓋立於龍紀之後天祐之前故止稱為今令

公也

集古  
後錄

東平王寫真院記

李璣撰大順元年立在相國寺

寶刻  
叢編

刺史劉公重修水亭記

大順元年劉崇魯述

輿地  
碑目

眉州新羅城記

大順三年盧拯撰文

輿地  
碑目

烏程縣修建解署記

布衣楊夔撰并正書南嶽道士張缺賢篆額乾寧三

年正月七日建

復齋  
碑錄

新修堯舜二祠祭器記

趙觀文撰顏起正書并篆額乾寧五年八月建

復齋碑錄

### 神福山靈跡記

天祐四年王居仁撰王崇裕楷書

金石表

### 湖州石記

右湖州石記文字殘缺其存者僅可識讀考其所記不可詳也惟其筆墨雄偉非顏魯公不能書也公忠義之節明若日月而堅若金石自可以光後世傳無窮不待其書然後不朽然公所至必有遺跡故今處

處有之唐人筆蹟見於今者惟公為最多視其鉅書深刻或托於山崖其用意未嘗不為無窮計也蓋亦有趣好所樂爾其在湖州所書為世所傳者惟干祿字放生池碑尚多見於人家而干祿字書乃楊漢公摹本其真本以訛缺遂不復傳獨余集錄有之惟好古之士知前人用意之深則其湮沈磨滅之餘尤為

可惜者也

集古錄

### 礪溪廟記

監察御史張翔撰右驍衛將軍兼侍御史高駢書碯  
溪詩二首其一京兆府渭南縣尉鄭誠撰其一前進  
士潘緯撰皆駢書初翔以大厯中作銘駢以咸通二

年刻

集古  
錄目

碯溪廟記張翔撰高駢書駢為將嘗立戰功威惠著  
於蠻蜀筆研固非其所事然書雖非工字亦不俗蓋  
其明爽豪俊終異庸人至其惑妖人呂用之諸葛殷  
等信其左道以冀長年乃騎木鶴而習凌虛仙去之

勢此至愚下品皆知為可笑而駢為之惟恐不至者  
何哉蓋其貪心已動於內故邪說可誘於外內貪外  
誘則其何所不為哉

集古  
錄

### 花林宴別記

右花林宴別記唐竇常撰花林寺在滁州全椒縣余  
在滁陽遣推官以事至縣見寺傍石澗崖土崩出石

崖隱隱有字亟命模得之

集古  
錄

### 唐人書楊公史傳記



右楊公史傳記文字訛缺原作者之意所以刻之金石者欲為公不朽計也碑無年月不知何時然其字畫之法迺唐人所書爾今纔幾時而磨滅若此然則金石果能傳不朽耶楊公之所以不朽者果待金石之傳耶凡物有形必有終弊自古聖賢之傳也非皆託於物固能無窮也迺知為善之堅堅於金石也

錄

集古

江西石幢記

江西石幢記觀察支使試左武衛兵曹參軍來擇撰  
太和二年建自採訪使班景倩兼知黔中道為始判  
官已下皆列次姓名後石幢記都團練判官試太常  
寺協律郎李方玄撰大和七年建自使檢校右散騎  
常侍兼侍御史中丞裴誼為始副使以下皆列次姓  
名續石幢記節度掌書記陳象撰光化三年建自使  
開府儀同三司檢校太保兼侍中潁川郡鍾某為始列  
副使以下如後記續立石柱題名記知節度判官胡

順之撰天聖元年建自太平興國元年自殿中丞通判軍州事李幹為始至熙寧九年祠部郎中集賢校理

葉均此下闕

元豐題跋

義興縣重修茶舍記

右唐義興縣重修茶舍記云義興貢茶非舊也前此故御史大夫李栖筠實典是邦山僧有獻佳茗者會客嘗之野人陸羽以為芬香甘辣冠於他境可薦于上栖筠從之始進萬兩此其濫觴也厥後因之徵獻

寢廣遂為任土之貢與常賦之邦侔矣每歲選匠徵夫至二千餘人云嘗謂後世士大夫區區以口腹玩好之獻為愛君此與宦官宮妾之見無異而其貽患百姓有不可勝言者如貢茶至末事也而調發之擾猶如此況其甚者乎羽蓋不足道嗚呼孰謂栖筠之賢而為此乎書之可為後來之戒且以見唐世義興

貢茶自羽與栖筠始也

金石錄

史鑄八分書

訪碑錄

趙璘登科記

秦始晦藏趙璘登科記書本唐人蓋筆畫工力殆出  
遺教經而稍為出入繩墨不拘律度內顧後世書名  
者未能伯仲間見首末盡亡蓋自開元二十三年至  
貞元九年其間亦又有缺剥不可倫序或遺去十年  
或少三四年在姓名中又泯滅過半此書既久其存  
宜若是以趙參所紀姓名則又有異者此不能盡考  
也昔鄭顥當知大中十年舉宣宗索登科記顥表曰  
自武德以後便有進士諸科所傳姓名皆是私家記

錄尋委當行祠部外郎趙璘采訪諸家科目記撰成  
十三卷今所存纔六卷而亡者十七八矣雖然猶幸  
以書字著顯而世存之故今得有傳也余嘗訪今藏  
書家并官書所籍殆無璘所撰登科人目則此書尤  
可貴也因錄而藏之并以舊記相參成十卷以傳  
書跋

無歲月及書跋諸記

陽翟縣新石橋記

崔周衡書

訪碑  
錄

唐立舜陽侯樊君碑堂記 裴穎撰唐長孺八分書

道諸

石刻  
錄

石橋記 張嘉貞撰柳識書

訪碑  
錄

邢州

金石  
略

李氏三祖堂記 李雲卿撰在高邑之北道傍

諸道石  
刻錄

東廳記 盧弘茂撰李景初書

諸道石  
刻錄

邠州

碑帖  
攷

花萼樓記 徐浩正書

訪碑  
錄

貞元七年同官記 韓秀弼分書

訪碑  
錄

使院石柱記 李商隱撰

諸道石  
刻錄

華州

碑帖  
攷

修甲仗樓記

劉知實撰劉權書號州

諸道石刻錄

唐立晉王右軍祠堂記 從十一代孫師乾撰無書人

名氏在山陰縣城內戒珠寺

諸道石刻錄

石門洞記

李陽冰撰并篆在青田

諸道石刻錄

三茅山記

不著名氏備記三茅山四面所至地里遠

近

集古錄目

薛稷祠堂記

陳允昇撰李灝分書篆額在徽州

諸道石刻

錄



九龍堂記

在渠州

諸道石刻錄

三公亭記

四門助教歐陽詹撰在東湖

諸道石刻錄

桃源縣山界記

無書撰人名氏

墨池編

潁陽令廳記

無書撰人名氏

墨池編

尹善殿記

歐陽詢書鳳翔府

金石畧

寶應殿記

顏真卿書未詳

金石畧

華山燈記

柳公權書未詳

金石畧

豫章衣冠盛集記

郭圓書洪州

金石畧

建中二年同官記 京兆府 金石 畧

修武關驛記 商州 金石 畧

牛龍堂記 郭延禧書南京 金石 畧

測景臺記 西京 金石 畧

澠池縣復南館記 盧元卿分書 金石 畧

重修鼓角樓記 李璣書泗州 金石 畧

刺史孟簡重開孟瀆記 常州 金石 畧

長生田記 何歸儒書台州 金石 畧

顏顥撰 諸道石 刻錄

搆練石記

西京

金石畧

南城縣客館記

獨孤及撰

建昌軍圖經

澗東觀察判官廳記

李元賓文

輿地碑目

枝江縣南亭記

皇甫湜撰

輿地碑目

淮南都梁山倉中記

沈亞之撰

輿地碑目

荆南節度判官廳壁記

皇甫湜撰

輿地碑目

慧山泉記

陸羽撰

天下金石志

嘉禾王總管守城記

侯渙文

輿地碑目

重修靈渠記

刺史魚孟威撰在靜江府

輿地碑目

南城縣羅城記

刁尚能撰

建昌軍圖經

京兆泮宮修學記

在西安府學

天下金石志

南溪池亭記

蔡曙撰在同州

天下金石志

陪封明府游靈巖瀑布泉記

唐仲能撰并書

墨池編

南巖亭記

李蕃書

碑帖考

劍州重陽亭記

李商隱撰

碑帖考

唐山亭院記

王祐書

碑帖考

鄧州城北亭樓記

李躅書

墨池編

慧山泉記

陸羽文在常州府無錫縣西

古今碑刻記

斥鼻亭神記

柳宗元作在永州府道州

古今碑刻記

斗魁臺記

李邕文在肇慶府城北石室山

古今碑刻記

開汾河經

董淑經書

碑帖攷

新石幢記

陳表仁撰

墨池編

相如故宅記

在相如縣光聖佛寺漫不可讀父老尚

知為陳子昂所作之文

輿地碑目

梁文貞孝感記

梁文貞結廬墓前有甘露降塋前樹

白兔馴擾鄉人以為孝感所致開元初縣令崔季友

刊石記之

舊唐書

白鹿山記

白鹿山開元二十三年二白鹿出見於此

山因以為號雷鄉縣令杜楚賓記後立於龍川縣治

輿地  
碑目

青田縣尉楊光于作隱難記

在麗水縣北六十里之東巖大畧言袁晁黃巢之亂

民避難於此獲免者甚衆

輿地  
碑目

六藝之一錄卷八十四

欽定四庫全書

六藝之一錄卷八十五

錢唐倪濤撰

石刻文字六十一

唐刻 記 釋氏

法門寺記

無撰人名氏沈季範正書貞觀十一年二月立

復齋碑錄

舍利寶函記

篆書無姓名久視元年七月

金石錄



修寶應寺記

員缺撰僧智清書咸亨元年

京兆金石錄

鄭惠王石塔記

行書咸亨四年今在潞安府

金石文字記

悟本寺記

在故臨津縣范陽盧照鄰撰文不著書人名氏

輿地碑目

陽武縣李行忠佛堂記

無撰人姓名唐李固徽書景雲元年十一月建

復齋碑錄

貞法師旌德記

八分書無書撰人姓名開元十八年十二月

金石錄

源公石幢記

封利建撰賀遂回八分書開元二十一年

金石錄

山頂石浮圖後記

王守泰行書開元二十八年四月今在房山縣記金

仙公主奏賜譯經四千餘卷并范陽縣東南五十里

上城村趙襄子浞中麥田莊并果園一所及環山林

麓

金石文  
字記

蒙山寺記

李瑗撰上官燦行書天寶五年十一月

金石錄

百家巖寺記

崔禹錫撰劉軫行書天寶七年九月

金石錄

石佛堂記

開元十二年孫義龍撰并行草書今在臨城縣李莊

金石文

字記

少林寺還天王師子記

天寶十四載正書今在少林寺碑載久視年間僧義  
獎等狀及武后口勅碑小非名筆故諸錄遺之葉井  
叔官於登封而石刻記亦不載余至少林周行廊廡  
見此石嵌置東廡壁間亟搨得之知考古必須親閱  
也

金石文  
字記

大德禪師遷葬記

沙門義宣撰行書乾元二年二月今在西安府華嚴

寺

金石文  
字記

八關齋會記

顏真卿撰并書崔倬補書大厯七年立

金石錄

右八關齋碑顏魯公書唐河南節度使田神功寢疾  
宋州刺史徐尚等為禳祈報恩者也唐書神功傳亦  
槩見其事碑在今歸德州城外僧寺中永樂丁酉秋  
進士尹崇高奉使河南為余致此本而每行下缺四  
字蓋打碑時為夏潦時所淹也

東里  
續集

唐世藩鎮跋扈之患所不忍言只如此碑乃因田公之病而為之者當時所費不下千萬然當時烜耀於此者今已皆漸滅而田公之事獨以魯公之書而傳余嘗評此書在顏碑中最為奇偉蓋以其氣象森嚴而又不窘束故爾

玄牘紀

右顏魯公書字徑可二寸許方整遒勁中別具姿態真蠶頭鼠尾得意時筆也此書不甚名世而其格不在東方家廟下然非餘子所及也

弇州山人藁

此宋州將吏為節度使田神功項疾愈作齋會也神  
功故非良臣徐尚等媚其主帥非佳事而魯公為撰  
為書何也乃其字法大徑三寸許方整遒勁不減曼

倩讚家廟碑

石墨  
錫華

刺史崔倬叙顏魯公石幢事曰會昌中有詔大除佛  
寺凡堂堂室宇關於佛祠者捨滅無遺分遣御史覆  
視之州縣祇畏至於碑幢銘鏤贊述之類亦皆毀瘞  
此州缺元寺先有太師魯國顏公以郡守僚吏州人

等為連帥田氏八關齋會鐫紀大幢亦鑿缺仆埋因訪其遺文於前刺史唐氏之家得其模本命工補刻

大中五年正月一日

金石文字記

八關齋會始于宋齊之間通鑑齊武帝永明元年上於華林國設八關齋胡三省註曰釋氏之戒一不殺生二不偷盜三不邪淫四不妄語五不飲酒食肉六不得著花鬘瓔珞香油塗身歌舞倡伎故往觀聽七不得坐高廣大牀八不得過齋後喫食已上八戒故



為八關雜錄名義云八戒者俗衆所受一日一夜戒

也謂八戒一齋通為八關齋明以禁防為義也

同上

顏真卿撰并書大厯七年今在歸德府南門亭內

同上

福田寺經藏記

大厯中立崔龜從文

輿地  
碑目

寶厯寺記

貞元三年崔祐甫撰在滁州

輿地  
碑目

嘉祥寺大覺禪師影堂記

崔元翰撰羊士諤書貞元九年

諸道石刻錄

徑山大覺禪師國一影堂記

崔元翰撰羊士諤正書貞元九年二月八日立

復齋碑錄

菩薩戒石壇記

長爪請問經附沙門大觀述屈賁正書貞元十一年

二月

金石錄

會善寺戒壇記

陸長源撰陸郢書貞元十一年七月

金石錄

少林寺厨庫記

顧少連撰崔溉正書貞元十四年

金石錄

靈隱寺東峯新亭記

馮宿撰釋乾覺正書貞元十七年十一月建在蘭溪

復齋碑錄

鸚鵡舍利塔記

韋臯撰并行書貞元十九年八月

金石錄

韋臯寶國寺記

貞元中立

輿地  
碑目

天台佛隴禪林寺記

陳讓撰徐放書元和六年五月立在天台

復齋  
碑錄

慈恩寺梵夾經記

武庭秀撰周仲誣書元和八年

京兆金  
石錄

東山愛同兩寺義食堂畫壁記

馮審撰顏顥書篆額元和四年五月福州

諸道石  
刻錄

支提石塔記

在三學山節度使段文昌撰元和八年

輿地  
碑目

會善寺記

王凝撰并八分書元和九年八月

金石  
錄

會林寺新修軒廊記

元和十一年西京

金石  
畧

草衣寺記

在信州城下南巖權德輿撰

輿地  
碑目

卞山普廣寺養山記

吳國樺撰吳士良行書吳仁傑篆額元和十四年三

月復齋  
碑錄

果業寺開洞谷記

元傑撰不著書人名氏湏陽果業寺之東有石洞谷  
嘗有方士學道于其中其石座丹竈猶存歲久荒廢  
無復有跡傑與寺僧智捷復開其路以元和十一年

立此記  
集古  
錄目

寶幢院記

元和十四年立在青城海晏寺

興地  
碑目

柳州重復大雲寺記

柳宗元撰正書無名篆額憲宗時立

復齋  
碑錄

盧舍那佛二菩薩記

在石照縣三北巖長慶二年刺史劉溫作

興地  
碑目

開元寺新修法華院記

在北京城內開元寺張若撰李系正書長慶四年建

訪碑  
錄

石壁法華經記

元稹文在廣化寺長慶中立

興地  
碑目

重巖寺記

在興國軍景德寺大和元年舒元興撰

興地  
碑目

清泉寺大藏經記

韓杼材撰并行書劉蔚篆太和二年九月

金石  
錄

瘞舍利記

李德裕撰太和三年二月十五日立

復齋  
碑錄



大明寺賢聖冥通齋記

沙門鴻本書僧良達篆額太和元年十月

復齋碑錄

東林大師真堂記

倪匡明書并篆額太和三年

諸道石刻錄

東山聖泉法華院記

太和四年劉軻記在福州

輿地碑目

棲霞寺齋會記

太和五年在應天府

天下金石志

阿育王寺常住田記

萬齊融撰范的行書太和七年十二月刺史于季友

重立元碑乃徐嶠之書

復齋碑錄

今在鄞縣育王寺碑戴寺田興廢始末開元中祕書

正字郎萬齊融撰文趙州刺史徐嶠之書碑燬太和

中復立明州刺史于季友作後記屬處士范的重書

之鄭氏金石畧載的所書有五碑則固有名當時者

碑末有季友與的唱酬二律可補唐風之遺

金石文字記

春城院佛殿記

劉慆撰鄭師仁八分書太和九年五月

金石錄

開元寺修功德記

在北京府城內李輈撰崔弁書張肱篆額太和丁未

歲

訪碑錄

修阿羅漢塔記

沙門知白述王辭正書開成二年九月八日立於餘

姚

復齋碑錄

國慶寺經藏記

在廬陵開成四年郭京記

輿地  
碑目

毗沙門天王祠堂記

開成丁巳郢州刺史崔耿撰

輿地  
碑目

福田寺經藏院記

崔從龜撰僧元孚書會昌二年立

復齋  
碑錄

重藏舍利記

會昌六年采師倫正書

金石  
表

今在京師憫忠寺此初復佛寺之文

金石文  
字記

廣福院佛殿記

會昌三年王欽說記

輿地  
碑目

三聖蘭若鏡燈記

楊智遠撰屈師穆八分書并古文篆額大中五年七

月復齋

碑錄

攝山栖霞寺賢聖會記

釋善言撰周士牟行書并題額大中五年九月立

復齋

碑錄

新造上生院記

李貽孫撰正書無名氏大中六年四月立在神光寺

復齋  
碑錄

護國寺觀音院記

段成式撰柳公權書大中七年

京兆金  
石錄

安國寺產業記

僧正言撰大中五年刻于大達法師碑陰

京兆金  
石錄

杜順和尚行記

大中六年杜殷撰董景仁草書

金石表

興聖寺記

撰人姓名殘缺李袞正書大中十年

金石錄

經藏院碑陰記

撫州刺史蔡京撰正書無名氏大中十四年五月

諸道

石刻錄

新勅法雲禪院記

沈瑛述并行書大中十四年十月記在華亭顧葦林

市復齋碑錄

戒珠寺記

衢州刺史趙璘撰貝靈該八分寺以會昌中被廢宣

宗初復立碑以咸通元年正月立

集古錄目

禪惠院記

在當塗縣禪嶽山咸通二年刻石

輿地碑目

三祖大師碑陰記



咸通二年張彥遠撰

輿地  
碑目

延慶院記

蔣係撰魏修正書咸通三年八月立碑陰勅牒二咸

通二年趙韜正書

復齋  
碑錄

大慶寺衆尼粥田記

裴澹撰王隨正書并篆額咸通三年十月立

復齋  
碑錄

永興寺冥道記

在歸安縣鹿苑寺咸通四年

輿地  
碑目

應福寺彌勒佛記

咸通四年立在定遠縣乾明寺

輿地  
碑目

報德寺新建尊勝寶幢記

蕭徵撰張時暎正書咸通四年四月十六日記在長

興

復齋  
碑錄

重置興國寺冥陽齋社記

沙門簡章述并書篆額咸通四年八月立在烏程

復齋

碑  
錄

懷安縣天王堂記

咸通六年何蟾記

輿地  
碑目

僧伽殿記

不著書撰人名氏僧伽殿潘昉等所立并題名數十

人碑以咸通七年立

集古  
錄目

建天王堂記

盧標撰咸通七年立

諸道石  
刻錄

大慶寺復寺記

貝靈該八分書并篆額咸通十一年二月二十日立

復齋  
碑錄

千佛寺無相法師護珠塔記

僧靈澈撰毛知微書咸通十二年

京兆金  
石錄

寶豐院記

乾符四年朱朴撰

興地  
碑目

開元寺修塔記

僧法誣撰并正書廣明二年立

京兆金  
石錄

水心院石幢記

在蕪湖縣廣明間刻

輿地  
碑目

壁州山寺記

中和癸卯丞相鄭畋作

輿地  
碑目

德州山院塔記

在咸寧院中和三年初

輿地  
碑目

光興寺記

譚匡合撰龍紀二年立在海鹽

復齋  
碑錄

憫忠寺重藏舍利記

景福元年南敘述記知常書今在本寺 舍利塔一  
燔於太和八年一燼於中和二年至是僧復嚴葬舍  
利於憫忠寺觀音像前南敘述記知常書之碑中所  
云隴西大王令公者李匡威也匡威欲遷舍利於閣  
內至拜疏於朝請發封壤詔可而後行當時崇重法

寶如是

金石文  
字記

雲漢廣福教院記

在慈溪縣光化二年楊適撰

興地  
碑目

龍華院山門路記

在隆州天復元年立

興地  
碑目

新興寺藏記

天祐二年僧浩澄撰在宣城縣

興地  
碑目

定光塔記

黃滔撰進士劉珉書并篆額天祐二年立在福州

諸道

石刻  
錄

補

御史臺精舍記

崔湜撰梁昇卿八分書開元十一年

金石錄

御史臺精舍記崔湜撰梁昇卿書讀其文則湜於佛  
可為篤信者矣唐書列傳云桓彥範等當國畏武三  
思乃使湜陰伺其姦而三思恩寵日盛湜反以彥範  
等計告之遂勸三思速殺彥範等以絕人望因薦其  
外兄周利正以害彥範等又云湜貶襄州刺史以譙



王事當死賴劉幽求張說救護得免後為宰相陷幽  
求嶺表諷周利貞殺之不果又與太平公主逐張說  
其餘傾邪險惡不可勝紀世言佛之徒能以禍福怖  
小人使不為惡又為虛語矣以斯記之言驗湜所為  
可知也故錄之於此其碑首題名多知名士小字頗  
佳可愛也

集古  
錄

御史臺精舍記唐中書舍人崔湜撰梁昇卿八分書漢承秦  
制御史為丞相貳其後以寺隸之憲法所在也然立精舍

以居其致一於此可見矣書傳所見最先包咸東海立精舍教授在西漢末顧曄謂此佛之所舍昔漢處摩騰洛陽西建精舍為始誤也按釋書以靜居為精舍致一為精不使雜也古之齋心服形其居必有可默存者今人猶闢屋為齋謂如齋戒以守其獨不可以精舍名之此亦過也蕭摩之請造興塔寺精舍詣二千石庾子興造佛寺因立精舍嶺南源明僧舍住奔榆山栖雲精舍此皆諸梵所居然居生立學昔傳此名豈致道之所居惟精一而後得之邪

昔魏武嘗曰譙東五十里築精舍秋夏讀書其後徐庶折節學問唐僧淵立精舍豫章阮孝緒以一鹿車為精舍徐伯珍立精舍蒙山陳實立精舍講授張邵戴顒立黃鵠山竹林精舍張漢直其弟出精舍數里遇之則古人於其居也以是名之凡以求致一於學者故以名自警觀其朝夕處之可不思以致其精耶後世知釋氏所居為精舍便以為精舍皆寺也湜之嗜利蔑學其可責以此哉

廣川書跋

漢史列傳具載包咸劉淑檀敷李充所立精舍而唐

御史臺精舍史闕弗錄蓋彼四人者皆以講授諸生則此以奉浮屠氏故略之耳幸有此碑可存當時故

事也

黃文獻公集

觀此足見唐世法網之寬然在上者若無真心泣罪人之意則精舍即見地獄餓鬼而罪人匍匐階下方且望之奪魄此書與夷齊碑結體相類唐人隸書可

觀者也

玄牘記

此梁昇卿追書崔湜文湜人品殊污人齒頰而昇卿

尚追書其文何也豈唐世重佞佛湜之立精舍于御  
史臺適投時好耶但昇卿分隸聲動一時東封朝覲  
碑史冊稱之今觀此碑名不虛耳

石墨  
鐫華

大泉寺新三門記

右鄉貢進士姚蓍撰文釋齊操行書乃唐開成三年  
所立者今在句容崇明寺山門內按志大泉寺在句  
容縣東北五十里乃宋開明二年邑人顏繼祖捨宅  
為之者今移置縣北唐巷村碑陰有崇明寺莊功德

記則元符庚辰山陽李潛書是此碑自元符時已移  
在崇明故題為崇明爾但不知今之崇明可即志所  
謂唐巷村否爾碑兩旁尚有鐫記惜不及觀操所書  
有岳麓遺意潛書不甚佳篆額上刻大士像精妙絕  
倫戊午十一月二十日記

玄牘  
紀

延慶院經藏記

趙璘撰裴光遠八分書咸通九年六月建在襄州

復齋

碑錄

重修法門寺塔廟記

薛昌緒撰王仁恭楷書天祐十九年立在扶風縣

金石

移毗盧佛記

秦韜玉撰盧朋龜正書鄭弘業書名銜李輝篆額

北京

金石錄

大顛禪師壁記

大顛名寶通壁記歷叙其所居并退之請大顛三書

無書人名氏

集古錄目

無書跋及不載歲月者

律藏院戒壇記

顏真卿書撫州

金石畧

嶽麓山寺記

李邕書潭州

金石畧

唐塔記

劉禹錫書

金石畧

天童山贊功德記

范的書明州

金石畧

靖居寺記

吉州

金石畧

崇福園寺記

在崇德縣

輿地碑目



無著禪師贊寧碑記

在崇德縣

輿地碑目

東能仁院水陸會記

在蕪湖縣

輿地碑目

建磚浮圖記

許靜金隸書

墨池編

開元寺講堂記

盧中敏書

墨池編

天竺寺新鐘及樓記

釋戒成書

墨池編

衆香寺南亭記

李記書

墨池編

永泰寺修古塔記

無書撰人名氏

墨池編

開元寺千佛記

唐崔行功嘗書開元寺千佛記

石墨鐫華

重修栢谷寺記

李愚撰正書今在潞安府

金石文字記

唐刻 道家記

岱岳觀造像記

正書顯慶六年二月

泰山之東南麓王母池有唐

岱岳觀今存小殿三楹土人稱為老君堂其前有碑

二高八尺許上施石蓋合而束之其石每面作四五

層每層文一首或二首皆唐時建醮造像之記周環

讀之得顯慶六年一首儀鳳三年一首天授二年一

首萬壽通天二年一首聖歷元年一首久視二年一首長安元年一首四年二首神龜元年一首景龍二年一首三年一首景雲二年三首開元八年一首大歷七年一首建中元年一首其空處又有唐代人題名書法不一東側面有詩一首其下題名西側面題名亦有詩一首中二側面皆無字唐碑存於泰山者唯此及玄宗泰山銘蘇頌東封朝覲頌二文皆磨崖刻於山上而此碑在山下以小而雙束故不仆書非

名筆故摹拓者少而獨完至今因歎唐時六帝一后  
修齋建醮凡二十許共此二碑亦異乎近代之每歲  
一碑以勞人而災石者矣但不知趙德甫金石錄何  
以不收恐古人碑記失傳者正多耳碑下為積土所  
壅予來游數四最後募人發地二尺下而觀之乃得  
其全文云 碑凡大周年者天作而地作塋人作王

聖作璧臣作惠年作牽月作㊦亦作㊦

韻會以㊦為生字誤考此

碑及順陵碑 ㊦字並是月字

日作㊦星作○正作王授作楡

契苾明碑

授作

初作鑒唯屐字無可考疑是應字凡數字作壹

貳叁肆捌玖等字皆武后所改及自制字

金石文  
字記

鬱林觀東嵒壁記

崔逸文八分書無姓名開元七年正月

金石  
錄

集州紫極宮記

開元二年牛仙客作

輿地  
碑目

貞法師旌德記

八分書無書撰人姓名開元十八年十二月

金石  
錄

昌利觀記

在懷安軍延祥觀開元中金堂尉沛國武捷撰

輿地  
碑目

玉真公主受道祥應記

蔡瑋撰蕭誠行書天寶二年

金石  
錄

玄都觀碑陰記

道士裴肱撰道士盧曉八分書天寶十載

京兆金  
石錄

麻姑仙壇記

顏魯公撰并正書大厯六年四月

金石  
錄

右麻姑仙壇記顏真卿撰并書顏公忠義之節皎如  
日月為人尊嚴剛勁象其筆畫而不免惑於神仙之  
說釋老之為斯民患也深矣

集古錄

右唐麻姑仙壇記顏魯公撰并書在撫州又有一本  
字絕小世亦以為魯公書驗其筆法殊不類故正字  
陳無已謂余嘗見黃魯直言乃慶厯中一學佛者所  
書魯直猶能道其姓名無已不能記也小字本今錄  
於後使覽者詳其真偽焉

金石錄

小字麻姑仙壇記

右小字麻姑壇記顏真卿撰并書或疑非魯公書魯  
公喜書大字余家所藏顏氏碑最多未嘗有小字者  
惟干祿字書注最為小字而其體法與此記不同蓋  
干祿之注持重舒和而不局蹙此記道峻緊結尤為  
精悍此所以或者疑之也余初亦頗以為惑及把玩  
久之筆畫巨細皆有法愈看愈佳然後知非魯公不  
能書也故聊誌之以釋疑者

集古錄



右唐小字麻姑壇記顏真卿撰并書在今江西南城縣之麻姑山歐陽公謂或者疑其非真而復以為筆墨有法非魯公不能書也趙明誠謂陳無已嘗見黃魯直言此乃慶厯中一學佛者所書魯直能道其名及觀陸放翁云魯公麻姑壇記有大小二本盖用羊叔子峴山故事通志金石畧載魯公書亦有小字麻姑壇記則歐公之疑與魯直之言又似不足信元柳待制道傳云麻姑壇碑小字楷法尤精緊比聞舊石

焚毀山中雖重刻無復當時筆意則亦以小字為顏  
書但謂石已不存非也吳文正公云麻姑碑在吾鄉  
舊為雷所破重刻至再字體浸失其真則被焚者乃  
臨川大字本而南城之石至今固無恙也

金薤  
琳琅

三茅君下泊宮記

黃洞元撰盧士元書貞元十五年立

諸道石  
刻錄

華陽洞主王軌先生記

王宗書貞元中立江寧府

金石  
畧

修下泊宮記

浙西觀察判官王師簡撰道士任參元書下泊故茅君宅也在三茅山下元和中浙西觀察使薛苹修以為宮并立三茅君像以元和九年立此碑

集古錄目

紫陽觀常住莊園等記

長慶二年八月立在茅山玉晨觀

復齋碑錄

資福院記

長慶二年立李德裕撰

輿地碑目

洞虛觀記

在延陵縣陶村陶隱居之故廬也有長慶中石記存

馬

輿地  
碑目

三像記

李德裕撰并八分書寶曆二年八月

金石  
錄

八分書與崇元聖祖院記一體書李德裕既建聖祖

院并立玄元皇帝孔子尹喜三像援引傳記事迹作

此記以寶曆三年刻

集古  
錄目

茅山三像記李德裕撰德裕自號上清玄都大洞三  
景弟子上為九廟聖主次為七代先靈下為一切含  
識敬造老君孔子尹真人像三軀此固俚巷庸鄙人  
之所常為德裕為之有不足怪然以孔子與老君為  
伍而又居其下此豈止德裕之獨可罪耶今史記載  
孔子問禮於老聃聃戒孔子去其驕氣多欲而孔子  
歎其道猶龍之語著于耳目自漢以來未有以為非  
者豈止德裕之罪哉

集古  
錄

沖虛真人廟記

劉三復撰李德裕八分書太和元年十二月

金石錄

靈寶院記

太和三年雲水道士呂子元書兼篆額

劉大彬茅山志

修仙都觀記

段文昌撰李師復正書太和四年正月記

復齋碑錄

左真人仙堂記

張虛白撰龔真子書

金石錄

開成三年立

輿地碑目

新修紫極宮記

賈島撰正書無姓名會昌元年三月

金石錄

樂公修紫極宮記賈島書普州

金石畧

紫極宮記

王維真書會昌四年壽州

金石畧

巴州紫極宮記

大中元年軍事判官進士蕭珣記

輿地碑目

棲霞觀碑

在象山縣大中元年孫諫卿撰

輿地  
碑目

集聖院記

在赤水縣之龍多山咸通間李嵇作

輿地  
碑目

仙壇記

咸通中劉史撰

輿地  
碑目

常州興道觀新建齋堂記

道士周漢賓撰并正書薤葉篆額乾符四年七月建

輿地  
碑目



仙都觀修齋靈感記

段成式撰李騰書咸通四年五月立

復齋碑錄

扶風公創造仙都觀

蹇宗儒撰尹翊正書并題額咸通四年十一月記

復齋碑錄

碑錄

仙都觀老君石像記

馮涯撰尹翊正書并題額咸通五年七月記

復齋碑錄

仙都觀新建南樓記

柳駢撰楊珪書咸通五年四月記乾符二年七月建

復齋  
碑錄

天台導元院記

張仁穎撰道士葉瓊秀書道士葉孤雲八分書額文

德元年十一月立

復齋  
碑錄

補

龍瑞宮記

賀知章撰并正書開元二年立

諸道石  
刻錄

無歲月及書跋

魏夫人上昇記

顏真卿書撫州

金石略

聖像應見記

蘇靈芝書廣信軍

金石略

桃源修壇記

甘從福書鼎州

金石略

紫府觀記

在金壇縣馬跡山唐上元令王仲康記

輿地

碑目

虬山觀記

無書撰人名氏

墨池編

太清宮齋醮記

無書撰人名氏

墨池編

簡寂觀改修靈寶殿記

御史大夫王路撰

輿地  
碑目

簡寂觀修立石路記


掌元帥表奏徐憲撰

輿地  
碑目

棲霞觀記

在靖安載劉懿真登仙事鄭安靖為之記

輿地  
碑目



六藝之一錄卷八十五

欽定四庫全書

子部

六藝之一錄卷八十八  
六至

詳校官中書臣陸湘

貢外郎臣牛稔文覆勘

總校官檢討臣何思鈞

校對官編修臣沈清藻

謄錄監生臣李敦源

欽定四庫全書

六藝之一錄卷八十六

錢唐倪濤撰

石刻文字六十二

唐刻記祠廟

荆王神祠記

正書無書撰人姓名先天二年八月

金石錄

唐張文瑾撰

復齋碑錄

輿地碑目作祐順王廟先天碑

溧陽縣城隍廟記

蔣日用撰正書無名氏開元十七年己巳三月三日

癸巳建在舊縣城

復齋  
碑錄

使者徵祥記

潘翹撰并正書開元二十年三月

金石  
錄

太平觀使者靈廟記

開元二十年李泚撰文

輿地  
碑目

左輔頽僚西嶽廟中刻石記

權僊撰李琚八分開元二十四年十月

復齋  
碑錄



王仙公廟記

岑均撰參軍高重明書仙公者漢葉縣令王喬也縣人舊以姓名稱其廟唐葉令史惟清改曰仙公碑以

開元二十五年刻在葉縣

集古錄目

難江公威惠廟記

天寶改元田彥識撰

輿地碑目

立後漢世祖祠堂記

張邈撰梁思楚八分書天寶二年四月

金石錄

陳隱王祠堂記

張謂撰八分書天寶三年

金石錄

右唐陳隱王祠堂記張謂撰按明皇以尹喜舊宅得靈符遂改元天寶此記云寶符見之二載者天寶二年也其末又云龍會甲申海寇吳令光入臣之歲者據紀年通譜天寶三載歲次甲申蓋天寶二年蘄縣令修完祠堂至明年謂始為記文耳又按唐書帝紀天寶二年十二月海寇吳令光寇永嘉郡明年河南

尹裴敷復晉陵太守劉同昇南海太守劉巨麟討之  
閏月令光伏誅今此記乃云令光入臣而明皇寶錄  
亦止言敷復等討令光平之不言其伏誅不知唐史  
何所據也豈令光既降而殺之歟不然唐史誤矣

金石錄

### 西楚霸王祠堂記

賀蘭進明撰賀蘭誠行書姚韓卿篆額天寶十三年

十月八日建

復齋碑錄

城隍神祠記

李陽冰撰并篆書乾元元年八月

金石錄

縉雲令李陽冰撰并篆書陽冰禱廟而雨因移建於

山上碑以乾元二年八月立在縉雲縣

集古錄目

陽冰為縉雲令遭旱禱雨約以七日不雨將焚其祠

既而雨遂徙廟于西山陽冰所記云城隍神祀典無

之吳越有爾然今非止吳越天下皆有而縣則少也

集古

錄

李陽冰為縉雲縣令值旱禱於城隍約五日不雨將  
焚其廟及期而雨乃遷廟而記其事書固奇事亦奇  
余觀其篆瘦細而偉勁飛動若神歐陽公以為視陽  
冰他篆最瘦余謂佳處正在此又云世言此石與忘  
歸臺孔子廟三石俱活歲久漸生刻處幾合故細若  
然今去歐公又四五百年寧不為無字碑乎記云祀  
典無城隍神吳越有之至歐陽公云天下皆有縣猶  
少而今無縣無之矣且記云自西谷遷廟於山巔又

以見城隍廟前朝不必在城中也今西安府西村落

大者多有城隍是其遺意

石塋  
錫華

黃畬廟記

吳安世撰并正書廣德二年六月記在建州

復齋  
碑錄

雙廟記

齊嵩撰杜勸正書大厯四年八月

金石  
錄

聰明山神記

張造撰正書無姓名大厯七年立

金石  
錄

黃石公祠記

李卓撰八分書姓名殘缺大厯八年七月

金石錄

右大厯八年立題篆黃石公祠記五字并布衣趙郡

李卓撰七字俱篆後書前試義王府倉曹參軍裴平

書十二字亦篆

玄牘紀

堯山神記

李誕撰王羨行書大厯八年立

金石錄

白鶴廟記

大厯十三年立

輿地  
碑目

召伯祠堂記

崔教撰房次卿書李惟益篆額貞元中立

訪碑  
錄

徐偃王廟記

于臯謨撰正書無姓名貞元十年八月立

復齋  
碑錄

吳嶽祠堂記

興元元年于公異撰冷朝陽行書今在隴州按唐書

是年五月二十八日副元帥李晟復京師七月十三



日德宗至自興元八月晟至鳳翔斬叛卒王斌等及  
涇帥田希鑒此則以其年十一月祭告吳山而掌書  
記于公異為此文也碑中所云相國涼公鎮鳳翔者

李抱玉也

金石文  
字記

復禹廟袞冕記

崔及撰馬積正書元和三年十月立在越州城東禹

廟內

諸道石  
刻錄

馬稹書元和五年越州

金石  
畧

范希朝謁北嶽廟記

元和五年河東節度使范希朝討鎮州過北嶽廟題

記

集古  
錄目

商州四皓新廟記

蕭曾重建以李華四皓贊代銘韋行儉正書元和八

年辛丑歲李栖筠刻

復齋  
碑錄

白帝城新修祠廟記

馬文約撰戴昇正書并額元和九年立

復齋  
碑錄

修敬亭府君廟記

劉重鈞撰大和十年立在廟中

訪碑錄

李聽修堯祠記

白敏中撰開成二年立

訪碑錄

堯祠在滑州西南五十里漢劉盆子所立唐寶曆中

節度使李聽祈雨有應重修立記

寰宇記

修秦文公廟記

前夏州節度掌書記李伉撰并書篆額坊州之南有秦故鄜時祠秦文公夢龍自天下屬於地立時以祠

之世久相傳謂之衙龍祠刺史崔駢改其廟像以為

文公祠開成五年立此碑

集古錄目

創修五道將軍廟記

朱泳撰無書人名氏會昌三年七月

復齋碑錄

漢江神廟記

孟珪撰正書無姓名會昌六年八月立

復齋碑錄

蒼山廟記

宋誠撰分書無姓名篆額會昌六年六月記

復齋碑錄

重換司空廟殿記

據碑司空漢光武時人二十三世孫唐杭州臨安縣  
令有則易其廟之故殿立此碑從孫重厚撰族人文  
察書而皆不著姓當光武時為司空者非一人而有  
則于唐亦不顯不知其為何人也有則自稱宗長又  
有宗副都枝長宗正宗錄都孔目廟祝衡陽侍郎等  
諸枝長孔目及職司題名者數十人皆其族人也碑  
以會昌六年八月立在溧陽

集古  
錄目

禱河神廟記

會昌六年尚書崔公禱河神廟記云公召從事河東

裴處權文其功客有博陵崔應者書於石

文苑  
英華

重修吳大帝廟階記

河陽三城節度團練衙推石湘撰不著書人名氏永

寧縣主簿周知素重修大帝廟階以大中六年立此

記

集古  
錄目

麗陽廟記

張磻撰張道衡正書任漢藩篆額大中九年五月建

復齋  
碑錄

鹽宗神祠記

太子右庶子支度安邑解縣兩池榷鹽使錢義方撰  
試左武衛兵曹叅軍盛濤八分書鹽池神祠故名鹽  
宗其後又有靈慶祠而主吏不復親祠鹽宗祠宇隳  
廢義方重營葺之立此記以大中十年立

集古  
錄目

鹽宗神祠記錢義方撰近時有尚書郎張席自言家

寓解州為余言安邑解縣兩池鹽事云夏月鹽南風來池面紫色須臾凝結如雪土人謂之漫生鹽而兩池歲役畦夫數百種鹽公利耗弊而州縣吏緣以為姦利棄漫生鹽不取誣其苦不可食席博學能言漢唐事尤詳為余復言前世鹽皆自生開元中姜師度為河中尹而鹽池涸始置鹽屯故唐格自開元後遂有畦夫營種之課席因上書論鹽漫生之利官遂罷畦夫而公私皆以為然而議者或害其事乃云漫生



鹽味苦不可食或云暫結復銷不可畜聽者方惑其事余因讀錢義方所記乃云若陰陽調和鬼神驅造不勞人而擅其利與夫鑿泉煮海不相為謀由是知唐世鹽非營種為決可信義方大厯時為榷鹽使余家集錄古文不獨為傳記正訛謬亦可為朝廷決疑

議也

集古錄

淮陽太守李公廟記

李謙撰慕容鎬正書大中三年三月

金石錄

萬石君廟記

石晏撰王藩行書并篆大中十三年十一月

金石錄

洋山廟記

在定海縣東北五里大中間黃洽記

輿地碑目

修繁城廟記

曹分撰篆書無姓名咸通十二年九月

金石錄

社稷壇記

容管經畧推官皮日休撰國子監缺學博士裴光遠

八分山南東道節度使裴坦新修州之社稷壇以咸

通十二年刻此記

集古錄目

武威侯廟記

進士唐巖撰廣明元年二月立

諸道石刻錄

在金華縣

輿地碑目

修武安君白公廟記

乾符五年無書撰人姓氏字亦道勁可觀

咸陽金石遺文

新修順濟王廟記

正書書撰人姓名缺中和元年十二月

復齋  
碑錄

立西漢御史大夫趙王廟記

林雲撰中和三年三月二十七日在溧水

復齋  
碑錄

修龍池張公廟記

唐澶人趙耕撰不著書人名氏龍公名路斯與妻子

言已與蓼人鄭祥遠皆龍屢戰未勝可令諸子助戰

以絳綃繫鬣為別祥遠敗死公與九子皆化為龍土

人為之立廟潁州刺史王敬堯又增大之碑以乾寧

元年立在潁上縣

集古  
錄目

乾寧元年張龍公碑趙耕撰云君諱路斯潁上百社人也隋初明經及第景龍中為宣城令夫人關西石氏生九子公罷令歸每夕出自戌至丑歸常體冷且濕石氏怪而詢之公曰吾龍也蓼人鄭祥遠亦龍也騎白牛據吾池自謂鄭公池吾屢與戰未勝明日取決可令吾子挾弓矢射之繫鬚以青綃者鄭也絳綃者吾也子遂射中青綃鄭怒東北去投合肥西山死者

今龍穴山是也由是公與九子俱復為龍亦可為怪  
矣余嘗以事至百社村過其祠下見其林樹陰蔚池  
水窈然誠異物之所托歲時禱雨屢獲其應汝陰人  
尤以為神也

集古錄

舊見經序說梁武帝夫人郗氏或疑其事余考於書  
傳因龍天王祠得之謂郗氏性妬忌武帝受齊國未  
冊命忿懟投死殿井衆趣救之已化毒龍烟煽燄衝  
人莫敢近遂為龍天王祠此尤增異而懺疏所說蓋

可信豈變滅起伏因心以感者果有耶惟懺言因經  
報得還人天道而此祠迺歷陳隋奉之雖居徙不常  
而嚴麗崇飾祈禱致禮每得輒應此又不可知也隋  
大業中即其地造龍宮寺沙門法濟住祠中時為神  
所降著衣鼓舞都不自覺然人化為龍與化虎熊果  
有異哉今得趙耕碑序路斯化龍祈求得應或可信  
也今人疑路斯非名當上元中波斯王有卑路斯來  
唐世因以為名者多矣豈獨此哉

廣川  
書跋

廬州重建巢湖太姥廟記

無書撰人名氏龍紀元年立

輿地  
碑目

改封諸葛武侯為武靈王廟記

光化五年立今在隆中

輿地  
碑目

改封武威王新廟記

徐礪撰正書無名氏篆額光化二年六月立在襄陽

復齋  
碑錄

補



春申君廟記

吳郡太守江東採訪等使趙居貞撰前廣陵大都督  
府戶曹參軍集賢院待制史維則八分書并篆額吳  
郡有春申君故宮後人因以為廟俗訛謂之城隍神  
居貞廣其制度更易塑像以朱英配饗改名曰黃相  
廟碑以天寶十年立

集古  
錄目

修劉景升廟記

盧羣撰羅讓書貞元中立

訪碑  
錄

襄州

金石  
畧

無歲月及書跋

黃帝祠宇記

李陽冰篆書處州

金石畧

修廟靈異記

衛包書華州

金石畧

曹使君廟記

吳感文

輿地碑目

高使君廟記

崔珙臣文

輿地碑目

董孝子廟記

崔殷作在慶元府碑云黜後漢人孝行

著於鄉邑孝和召拜郎中不起故以董孝子名鄉

輿地

碑目

越國公廟記

江台符文在歙縣

輿地  
碑目

朱買臣祠堂記

太守李頻撰在嚴州

輿地  
碑目

忠烈公新廟記

顧雲文

輿地  
碑目

六藝之一錄卷八十六